

Visoki predstavnik se obratio Sjevernoatlantskom vijeću za regionalnu sigurnost

Visoki predstavnik Wolfgang Petritsch se danas putem video-linka obratio članovima Sjevernoatlantskog vijeća u Briselu i generalnom sekretaru NATO-a lordu Robertsonu kako bi podržao stav da se produži prisustvo mirovnih snaga predvođenih NATO-om, tj. SFOR-a u Bosni i Hercegovini.

Sve države članice NATO-a se nalaze pod pritiskom u smislu smanjenja svojih vojnih budžeta. Visoki predstavnik je, međutim, naglasio da je prisustvo SFOR-a u BiH i dalje od sustinskog značaja posto je zemlja tek usla u novo razdoblje skoro pet godina nakon potpisivanja Dejtonskog mirovnog sporazuma. SFOR je sada sveden na trećinu svojih prvobitnih snaga. Trenutacni broj SFOR-ovih vojnika (22.000) predstavlja minimum koji je potreban za održavanje mira u BiH.

Visoki predstavnik je rekao da se, uprkos ohrabrujućim brojkama u vezi sa povratkom izbjeglica ove godine, i dalje moraju riješiti mnoga teška i složena pitanja koja predstavljaju prijetnju za sadašnju krhku stabilnost zemlje. Izborna kriza u susjednoj Saveznoj Republici Jugoslaviji i predstojeći izbori u BiH 11. novembra ove godine još više naglasavaju ključnu ulogu SFOR-a u BiH, bez obzira na to što BiH više ne predstavlja glavnu vijest u svjetskim medijima.

Visoki predstavnik je dodao da je angažman SFOR-a i dalje od sustinskog značaja u oblasti vojne reforme u oba entiteta, kao i da SFOR i dalje igra vodeću ulogu u naporima na hvatanju osoba osumnjicanih za ratne zločine.